

jæ, qui S. Andreae passionem scripserunt vel ex liturgia S. Jacobi Apostoli, vel ex S. Ignatio martyre, epist. ad Joann., vel ex Justino martyre in quaestionibus ad Orthodoxos; quia de horum operum genuinitate, sinceritate, ac veritate valde dubitant Critici etiam moderatores, & eruditiores.

VI. Probatur ex Patribus Latinis. Ambrosius serm. 22. in psalm. 118. explicans verba illa: *Erravi sicut ovis, quæ peritit; hæc habet: Veni ergo, & quare ovem tuam, jam non per servulos, non per mercenarios, sed per te metipsum suscipe me in carne, quæ in Adam lapsa est: suscipe me non ex Sara, sed ex Maria, ut incorrupta sit Virgo, sed virgo per gratiam ab omni integra labe peccati.* Hieronymus ad cap. 11. Isaiæ: *Virgam de radice Jesse, sanctam Mariam Virginem intelligamus, quæ nullum habuit sibi fructicem, coherens enim, de qua legimus: Ecce Virgo concipiet &c. Epist. 22. ad Eustachium de custodia Virginitatis cap. 8. Exiet virga de radice Jesse, & flos de radice ejus ascendet, Virga, Mater est Domini, simplex, pura, sincera, nullo extrinsecus germine coherente, & ad eam similitudinem Dei unione sacunda.* Ad cap. 10. Eccl. *Beata terra Ecclesia, cujus est Christus, filios ingenuorum, de Abraham, Isaac, & Jacob, Prophetarum quoque, & Sanctorum stirpe descendens, quibus peccatum non fuit dominatum, & ob id vere fuerunt liberi. Ex quibus nata est Virgo liberior sancta Maria.* Ad psalm. 77. *Aur certe nubem levem debemus sanctam Mariam accipere, nulla semine humano præggravatam. Ecce Dominus venit in Ægyptum seculi istius, super nubem levem, Virginem: Et deduxit eos in nube diei. Pulchre dixit, diei. Nubes enim illa non fuit in tenebris, sed in luce.* Augustinus de natura, & gratia cap. 36. *Excepta sancta Virgine Maria, de qua propter honorem Domini nullam prorsus, cum de peccatis agitur, habere volo quaestionem: Unde enim scimus, quod ei plus gratiæ collatum fuerit, ad vincendum omni ex parte peccatum, quæ concipere, & parere invenit eum; quem constat nullum habuisse peccatum. Hac ergo Virgine excepta, si omnes illos Sanctos, & Sanctas, cum hic viverent, congregare possimus, & interrogare: Utrum essent sine peccato, quid fuisse responsuros, putamus? Utrum hoc, quod Pelagius dicit, an quod Joannes Apostolus? Rogo vos quantalibet fuerint in hoc corpore excellentia sanctitatis, si hoc interrogari potuissent, nonne una voce clamassent: Si dixerimus, quia peccatum non habemus, nos ipsos seducimus, &*

*veritas in nobis non est? Eucherius Lugdunensis ad Evangelium feræ quartæ Dominicæ quartæ Adventus: Quis unquam tantam gratiam habuit, quantum Virgo Maria? Aliis enim ad mensuram, gratiæ dantur, hæc autem gratia plena dicitur. Considera modo, quanta ante eam, quanta post eam mulieres, & virgines fuerunt, hæc tamen sola mater Domini fieri meruit. Magna enim, & ineffabilis gratia est, ut una ex tantis millibus eligatur. Quæ cum gratia plena sit, priusquam & concipiat, post conceptionem, quanta Dei abundavit gratia, quis cogitare possit? Hæc autem sola inter omnes mulieres benedicitur, quæ adhuc sub antiquæ prævaricationis maledictione tenebantur, ex quo prima mulieri a Deo dictum fuerat: Multiplicabo arumnas tuas, & in dolore paries filios. Hæc enim lege non tenetur Virgo Maria, quæ Virgo concepit, Virgo peperit, & sine dolore pariens, virginitatis gloriam non amisit. Merito igitur in mulieribus benedicitur, per quam mulieribus benedictio datur, & mundus a maledictionibus liberatur. Gregorius Magnus lib. 1. Reg. cap. 1. Potest hujus montis nomine beatissima semper Virgo Maria Dei Genitrix designari. Mons quippe fuit, quæ omnem electæ creaturæ altitudinem electionis suæ dignitate transcendit. An non mons sublimis Maria, quæ, ut ad Conceptionem æterni Verbi pertingeret, meritum verticem supra omnes Angelorum Choros, usque ad solium Deitatis erexit? Hujus enim montis præcellentissimam dignitatem Isaias vaticinans, ait: Erit in novissimis diebus preparatus mons Domini in vertice montium. Mons quippe in vertice montium fuit, quia altitudo Mariæ supra omnes Sanctos refulsit. Mons quippe, & domus apte dicitur, quæ dum incomparabilibus est illustrata meritis, Dei Unigenito, in quo recumberet, sacrum præparavit uterum. Hildephonsus Tolitanus contra eos, qui disputant de perpetua virginitate Mariæ: Beata Maria, licet ipsa de carne peccati sit nata, & procreata, ipsaque quavis caro peccati fuerit: non tunc jam ex præveniente Spiritus Sancti gratiâ, ab Angelo præ omnibus mulieribus benedicta vocatur: Spiritus Sanctus superveniet in te, & virtus Altissimi obumbrabit tibi. Alioquin si non eodem Spiritu sanctificata est, & emundata, quomodo ejus caro, non caro peccati fuit? Et si caro ejus de massa primæ prævaricationis venit, quomodo Christus Verbum, caro sine peccato fuit, qui de carne peccati carnem assumpsit? Nisi quia Verbum, quod caro factum est, eam primum obumbravit, in quam Spiritus Sanctus supervenit, & virtus Altissimi*